

reputatio est, & in qua credantur multa fortuita pol-  
lere, visus, auditus, memoria, haustaeq; imagines sub  
ipso conceptu. Cogitatio etiam utriuslibet animum  
subito trāsvolans, effingere similitudinem aut miscere  
existimatur. Ideoq; plures in homine, quā in ceteris  
omnibus animalibus differētia, quoniam velocitas co-  
gitationum, animiq; celeritas, & ingenij varietas mul-  
tiformes notas imprimit: cum ceteris animantibus  
immobiles sint animi, & similes omnibus, singulisque  
in suo cuiq; genere. Antiocho regi Syriae, è plebe no-  
mine Artemon intantū similis fuit, vt Laodice con-  
iunx regia, necato iam Antiocho, mimum per eū com-  
mendationis, regniq; successionis peregerit. Magno  
Pompeio Vibius quidam è plebe & Publicius etiam  
seruitute liberatus, indiscreta prope specie fuere simi-  
les, illud os probū reddentes, ipsumq; honorē eximia  
frontis. Qualis causa patri quoq; eius, Menogenis coci  
sui cognomen imposuit, iam Strabonis à specie oculo-  
rum habenti, vitium imitata & in seruo: Scipioni Se-  
rapionis: is erat suarij negociatoris vile mancipium.  
Eiusdem familiae Scipioni post eum cognomen Salutio  
mimus dedit: Sicut Spinter secundarum, tertiarumq;  
Pamphilus, collegio Lentuli & Metelli COSS. In  
quo perquam importune fortuitū hoc quoq; fuit, duo-  
rum simul cōsulum in scena imagines cerni. E diuerso  
L. Plancus orator, histrioni Rubrio cognomen impo-  
suit. Rursus Curioni patri Burbuleius, itemq; Messala  
Censorio Menogenes, perinde histriones. Surae quidem  
proconsulis etiam rictum in loquēdo, contractionēq;  
linguae, & sermonis tumultum, non imaginem modo,  
piscator quidam in Sicilia reddidit. Cassio Seuero ce-  
lebris oratori, armentarij Mirmillonis obiecta simili-  
tudo est. Toranius M. Antonio iam triumuiro, exi-  
mios forma pueros, alterū in Asia genitum, alterum  
trans alpes, vt geminos vēdidit: tāta vnitas erat. Post  
quam deinde sermone puerorum detecta fraude à fu-  
rente increpatus Antonio est, inter alia magnitudinē  
pretij conquerente (nam ducētis mercatus erat sester-  
tys) respondit versutus ingenij mango, ob id ipsum se  
tanti vendidisse, quoniam non esset mira similitudo in  
vllis eodem vtero editis: diuersarū quidem gētium na-  
tales tam concordia figura reperiri, super omnem esse  
taxationē. Adeoq; tempestiuā admirationē intulit,  
vt ille proscripserit animus, modo & contumelia fu-  
rens, non aliud in censu magis ex fortuna sua duceret.

Quae sit generandi ratio. CAP. XIII.

**E**t quaedam priuatim dissociatio corporū: & in-  
ter se steriles, vbi cū alijs iunxere, gignūt: sicut  
Augustus & Liua. Itē alijs aliaq; fœminas tan-  
tum generāt aut mares: plerunq; & alternant: sicut  
Gracchorū mater duodecies, & Agrippina Germa-  
nici nouies. Alijs sterilis est iuuēta: alijs semel in vita  
datur gignere. Quaedā non perferūt partus: quales si-  
quādo medicina & cura vicere, fœminā fere gignunt.  
Diuus Augustus in reliqua exēplorū raritate, neptis  
suae nepotem vidit: genitū quo excessit anno M. Sylla-

num: qui quū Asiam obtineret post cōsulatū, Nero  
nis principis successione, veneno eius interemptus est.  
Q. Metellus Macedonicus, cū sex liberos relinqueret,  
vndecim nepotes reliquit, nurus vero generosque, &  
oēs qui se patris appellatione salutarēt, viginti septē.  
In actis temporum diui Augusti inuenitur, xij. consu-  
latu eius, L. q; Sylla collega, ad iij. Idus Aprilis, C. Cri-  
spinum Hilarum ex ingenua plebe Fesulana, cum libe-  
ris nouem (in quo numero filiae duae fuerunt) nepoti-  
bus xxvij. pronepotibus xxix. neptibus ix. prelata  
pompa, cum omnibus his in Capitolio immolasse.

De eodem multiplicius. CAP. XIII.

**M**ulier post quinquagesimū annum nō gignit,  
maiorq; pars quadragesimo profluuium ge-  
nitale sistit. Nam in viris Masanissam regē  
post lxxx. vi. annum generasse filium, quem Methy-  
mathnum appellauerit, clarum est: Catonem Censoriū  
octogesimo exacto, è filia Salonij clientis sui. Qua de  
causa, aliorum eius liberorū propago, Liciniani sunt  
cognominati, hi Saloniani, ex quibus Vticensis fuit.  
Nuper etiam L. Volusio Saturnino in vrbis praefectu-  
ra extincto, notum est Cornelia Scipionum gentis Vo-  
lusium Saturninum, qui fuit consul, genitum post lxxij.  
annum. Et vsq; ad lxxxv. apud ignobiles vulgaris re-  
peritur generatio.

De menstruis mulierum. CAP. XV.

**S**olum autem animal menstruale mulier est: inde  
vnius vtero, quas appellarunt molas. Ea est caro  
informis, inanima, ferri ictum & aciem respuēs.  
Mouetur, sistitq; menses: & vt partus, alias letalis,  
alias vna senescēs, aliquādo aluo citatiore excidens.  
Simile quiddā & viris in vetre gignitur, quod vocant  
scirron: sicut Oppio Capitori praetorio viro. Sed nihil  
facile reperitur mulierum profluuium magis monstri-  
ficum. Aescunt superuentu musta, sterilesunt tactae  
fruges, moriuntur insita, exuruntur hortorum germi-  
na, & fructus arborum quibus insedere, decidunt: spe-  
culorū fulgor aspectu ipso hebetatur, acies ferri pra-  
stringitur, eborisq; nitor, aluei apū emoriūtur: as etiā  
ac ferrū rubigo protinus corripit, odorq; dirus aera:  
& in rabiem agūtur gustato eo canes, atq; insanabili  
veneno morsus inficitur. Quin & bituminum sequax  
alioquin ac lenta natura, in lacu Iudae (qui vocatur  
Asphaltites) certo tempore anni supernatans, nequit  
sibi auelli, ad omnem contactum adherens, praeter-  
quam filo quod tale virus infecerit. Etiam formicis,  
animali minimo, inesse sensum eius ferunt: abijciq; gu-  
statas fruges, nec postea repeti. Et hoc tale tantumq;  
omnibus tricenis diebus malum in muliere existit, &  
trimestri spatio largius. Quibusdam vero saepius men-  
se, sicut aliquibus nunquā: sed tales non gignunt, quan-  
do haec est generando homini materia, semine è ma-  
ribus coaguli modo hoc in sese glomerante, quod dein-  
de\* tempore ipso animatur, corporaturq;. Ergo cum  
gravidis fluxit, inualidi aut non vitales partus edun-  
tur, aut saniosi, vt autor est Nigidius.

Item